



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Sebastiani Henrici Penzingeri, Consistorialis
Passaviensis, Decani, & Parochi in Trauttmanstorff ad
Laitam Bonus Ordo Triplicis Formatae Concionis Moralis In
Omnia Festa Sanctorum In Amplissima ...**

Penzinger, Sebastian Heinrich

Solisbaci, 1698

Concio Tertia. Textus: Elevatus est in cœlum. Thema: Post laborem,
sequitur dulcis requies.

[urn:nbn:de:hbz:466:1-51763](https://nbn-resolving.org/urn:nbn:de:hbz:466:1-51763)



IN FESTO ASCENSIONIS DOMINI.

CONCIO TERTIA.

Elevatus est in cælum. Marci 16.

Textus.

Post laborem, venit dulcis requies.

Thema.

EN Salvatore nostro cernimus thema assumptum, ad-
impletum, post labores & sudores captat hodie dulcem
requiem, mercedem, præmium, coronam, triumphum,
Elevatus est in cælum: Hæc Spes manet omni timora-
to Christiano; Caput suum Christum sequetur mem-
brum, fidelis Dei cultor, post labores, bonorum operum, post sudo-
res fortiter perpeffarum ærumnarum, gustabit requiem, recipiet
mercedem, & præmium, coronam & triumphum: ita Scriptura Sa-
cra: *Modicum laboravi, & inveni multam requiem.* Eccl. cap. 5.
Manus fortium, divitias portat. Prov. 16. & iterum cap. 12. *Manus*
fortium dominabitur. Et Sap. 3. inquit Salomon: *Bonorum laborum*
gloriosus est fructus. Christus ait Apoc. cap. 2. *Qui vicerit, dabo*
ei edere de ligno vita. Audiamus & Patres: *Est hic quod advertas,*
non esse scilicet quiescendum, nisi prius satis laboraveris, quemadmo-
dum & creator rum, Oleaster super caput 2. Genes. *Prius in cam-*
po actionis probari, & contra passiones rationem turbantes forti-
ter prevalere debemus, & tunc ad contemplationis Dei arcem con-
scendere. Lippomannus in cap. 32. Genes. *Unde caro in infimis diu-*
tius laborat, inde mens ad summa evolat. Scribit S. Gregorius lib.
7. Moralium cap. 6. & iterum: *Viri Sancti quos labores nunc veri-*
tati exhibent, tot remunerationis pignora, intra spei sue cubicu-
la,

Exordium.

*Textus Sa-
cra Scriptu-
ra.*

Patres.

Oleaster.

*Lippomann.
S. Gregorius.*

la, clausa tenent. Invocata S. Spiritus gratia, desuper Coepus audiamus,

CONCEPTUS I.

Confirmatio

Patientissimus Job, viatorem hominem mercenario comparat. *Sicut mercenarii dies ejus*, cap. 7. Cur mercenario? Mercenarii hoc mundo post labores, certas quietis habent horas, & paratam mercedem, sic Deus optimus hominibus bene operantibus ac meriti certam promittit quietis, ac refrigerii horam: *Venite ad me omnes qui laboratis, & onerati estis, & ego reficiam vos*. Matth. cap. 11. *Faciet illos discumbere, & transiens ministrabit illis*. Lucæ 13. De labore & mercedem, denarium diurnum regni cœlestis largissime solvet: *Euge serve bone & fidelis, quia in pauca fuisti fidelis, ego multa te constituam, intra in gaudium Domini tui*. Hanc veritatem docet parabola, Matth. 20.

CONCEPTUS II.

Providus Pater-familias vocat operarios, alios hora tertia, sexta, & alios nona hora; S. Hieronymus per providum cœconomum Deum intelligit, per operarios verò, homines in terris vitam per horas; tertiam, sextam, & nonam, ac undecimam; ætatis hominum designantur; labores & opera, ad quæ optimus Deus omnes homines, omnis ætatis conducit, sunt pia, ac bona opera. Sic scriptum legimus de primo homine Adamo: *Posuit eum Deus in Paradisum voluptatis, ut operaretur*, Genes. 2. Ut operatus id est, ut in laude, & gratiarum actione creatori suo fidem operatum gereret. Inquit Rupertus Abbas: *Pie ac bene ergo qui operatus fuerit, eum sequetur merces & quies*. *Voca operarios, & prode eis mercedem, & acceperunt singulos denarios*: Qui hora tertia venerunt, acceperunt denarium, & qui hora undecima inchoarunt & denario diurno remunerati sunt, nullus vacuum, sine premio discessit: discamus hinc: post labores bonorum operum quem fructurum optatam requie beatitudinis, accepturum denarium, mercedem.

cedem, & præmium, gloriæ æternæ. *Post laborem sequitur requies*, concludit S. Bernardus.

CONCEPTUS III.

Et Deum requievissè constat Genes. cap. 2. ast opere & labore perfecto: *Requievit Dominus die septimo ab omni opere, quod præpararat*: Et Christus super fontem sedebat, & requiescebat, Joann. 4. ast nonnisi post fatigationem & laborem: *JESUS ergo fatigatus ex itinere, sedebat sic super fontem*. Lassitudo, defatigatio, ob quam requies necessaria est, in Deum non cadit, cur ergo DEUS, quasi lassus, defatigatus ab opere quiescere voluit? ad nostrum solatium inquit Oleaster in Genesim, & S. Chrysostomus in Catena. Ut si & nos in benè operando defudaverimus, optimam ac dulcem quietem capiemus æterni refrigerii.

CONCEPTUS IV.

Levitici cap. 25. cautum erat: *Septimo anno Sabbathum erit terra*. Oeconomi quoque agris suis, quos duobus annis seminârunt, post fructus tam hyemales, quam æstivales latos, tertio anno ferias dant, Sabbathum indulgent. Terra & Ager Dei homo est: juxta verba Christi Lucæ cap. 8. *Quod autem cecidit in terram bonam hi sunt, qui audientes verbum in corde bono, & optimo retinent, & fructus afferunt in Patientia*. Fructus inquam pietatis, ac bonorum operum: Tales fructus si nunc Ager cordis tui, mi homo, portaverit, Sabbathum & ferias requiei indubiè recipies.

CONCEPTUS V.

Genes. cap. 32. Deus, Jacob immutat nomen, & vocat eum Israël: *Nequaquam inquit Jacob vocabitur nomen tuum, sed Israël*. Cur hoc? quid hæc nomina Jacob, & Israël significant? S. Athanasius serm. 4. contra Arianos interpretatur; quod Jacob idem significat.

gnificet quàm *luctator, supplantator*. Israël autem: *Videns Deum*. Immutando ergo nomen; Jacob, in Israël, luctatorem, in vultu Deum, Deus nos instruit: Qui strenuè luctatus fuerit in bene vivendo; qui vitia, & propensiones animi extirpaverit, virtutes rō implantaverit, is fiet Israël, videbit Deum, requie æterna habetur. Perpulchrè Hugo Cardin. in hunc locum: *Non fiet Israël qui non prius fuerit Jacobita*. Post labores ergo datur requies.

CONCEPTUS VI.

Quietem, delicias, gaudia, concupiscit Sponsa in Cant. cap. *Lectulus noster floridus*: Lectulus, locus quietis, respirationis, quiescere ergo vult Sponsa: quid respondet sponsus? *Ego flos campi, & lilium convallium* Can. 2. ad desiderium quietis, se sponsum florem campi nominat: Quid hîc mysterii latet? Campus, locus est laboris, & sudoris; *in sudore vultus tui, vesceris panem* Job 42. pro, inter asperos labores cernimus desudare, defatigari colimus ad petitionem ergo quietis respondet sponsus, dilectus: Ergo campus: quasi instruens: Quietem desideras, o anima, omnino præparata est, ast non nisi desudantibus, laborantibus in opere bonis. Audiatur Lippomannus: *Prius in campo actionis præparatus, contra passiones rationem perturbantes fortiter prævalere debet, & tunc ad ipsius Dei contemplationis arcem conscendere.*

CONCEPTUS VII.

De Divite narrat Lucas: *Induebatur purpura & Byssus, & pultus est in inferno*, cap. 16. Sapiens econtra Prov. 31. de iusto dicit: *Byssus & purpura indumentum ejus*. Ambo iisdem vestibus induti sunt, & tamen unus solum quietem obtinuit æternam, alter non est; Cur hæc quies & diviti non obtigit? Cum pariter iisdem vestibus ornatus describatur? Quid per purpuram, & quid per byssum intelligitur? Purpura, otium, felicitatem, delicias, & voluptates designat: Byssus econtra, multam operationem, ac intensos labores. Ita Hugo Carnotensis serm. de signis indumentorum sacertotalium: *Byssus seu linum, multis castigationibus redditur candidum*. Par

Purpura primum indutus est dives, in otio, in deliciis, in voluptatibus vixit; inde reprobus. Justus verò omnium primo bysso vestitus describitur, in castigationibus, in multa, & pia operatione, labore optimo, vitam traduxit, inde beatus, hæres quietis æternæ: Concludit nunc Doctissimus de Padilla Annot. 12. in Habacuc cap. 3. v. 16. discursu 8. *Qui ergo prius in hac vita purpura induitur, in altera bysso laboris, & miseria induetur, qui verò labores tanquam linum in hac vita sustinet, postea in gloria perpetua æternæ felicitatis purpura indutus corruscabit; quia in domo Dei non nisi post labores datur requies, & otium, post fatigationem.*

CONCEPTUS VIII.

Mors est in mundo, elogia, & honorum titulos in lapides sepulchrales, ac mausolea insculpi. Judæi Salvatori nostro summum dant elogium, & honoris titulum *JESUS NAZARENUS, REX JUDÆORUM*. Matth. 27. Ast non lapidi sepulchrali, sed durissimo, ac infami ligno crucis, insculpunt. Cur non potius hunc titulum sepulchro appendunt? cur dolorosæ ac laboriosæ cruci? quid est sepulchrum, & quid est dolorosa crux? *Sepulchrum* respondet S. Hieronymus ep. ad Gerunt: *Locus quietis est*: Crux e contra, officina laborum, & dolorum est, ad crucem ergo, ad officinam laborum, & dolorum Christus regalem titulum, titulum æternæ quietis affigi ordinavit, & non ad sepulchrum, ad locum Otii, & quietis; edocens: Non per otium, sed per indefessos sudores, labores bonorum operum, perveniri ad regalem titulum, ad habitaculum, gustum ac dulcedinem æternæ quietis, & felicitatis. Post labores ergo pervenitur ad requiem.

Q 9

Impe-

Epilogus.

Imperator Severus, militibus suis sapius Tessera, in
Parolle militaris loco verbum dedisse fertur: *laborandum est*.
 Innuens; si gloriosi, si victoriosi esse, si pace, & quiete
 velint, indefessè desudent, se exercent, laborent; Eandem
 Tesseram CHRISTI militibus, omnibus Christianis scrip-
 tulo relinquo. *Laborandum est*. Bonis operibus continuo desuden-
 dum est; & victoriosi cum CHRISTO coelum con-
 scendemus, aeterna requie, ac pace perfruemur.

Amen.



INDEX